




VENDIMI ËSHTË I PLOTFUQISHËM
 ODLUJA JE PRAVNOSNAŽNA
 GJYKATA THEMELORE / OSNOVNI SUD
 FERIZAJ I UROŠEVAC

P.nr. 3207/17

NË EMËR TË POPULLIT



GJYKATA THEMELORE NË FERIZAJ, Departamenti i Përgjithshëm,
 Divizioni Penal, gjyqtarja e vetme gjykues Hakile Ilazi, me praktikanten Qëndresa Meha,
 në çështjen penale kundër të akuzuarit [REDACTED], nga fshati [REDACTED] Komuna Ferizaj,
 për shkak të veprës penale vjedhje nga neni 325 par. 1 të KPRK-së, sipas aktakuzës së
 PTH-së në Ferizaj PP.II.nr.2545-6/2017 të dt.18.12.2017, pas mbajtjes së shqyrtimit
 fillestar publik, në praninë e përfaqësuesit të akuzës prokurorit të shtetit Mimoza Syla, të
 akuzuarit [REDACTED] më dt.17.08.2018 të njëjtën ditë mori dhe publikisht shpall këtë:

AKT GJYKIM

I pandehuri [REDACTED] nga fshati [REDACTED] Komuna Ferizaj, i lindur më
 [REDACTED] nga i ati [REDACTED] dhe e ëma [REDACTED], ashkali, shtetas i Republikës së Kosovës,
 i gjendjes së varfër ekonomike, me numër personal [REDACTED] mbrohet në liri,-.

ËSHTË FAJTOR

Sepse me datë 12.10.2017, rreth orës 20:00, në Rr. "e Reçakut" tek rrethi i
 shqiponjës ne afërsi te fshatit Talinove i Jerlive komuna Ferizaj, me qellim te
 përvetësimit te kundërligjshëm pasurore për vete apo për personin tjetër, ka kryer vjedhje
 dhe ate 8 bateri nga 4 kamionët te cilët kanë qene te parkuar ne parkingun e ish tregut te
 kafshëve, pronë e te dëmtuarit [REDACTED] vlere e demit te shkaktuar është 650
 Euro.

-Me të këtë kreu veprën penale vjedhje nga neni 325 par. 1 të KPRK-së.

Andaj Gjykata në bazë të nenit të lartëcekur dhe neneve 4, 7, 21, 41,42, 43,45, 46,
 48 dhe 73 të KPRK-së, dhe nen 365 të KPPK-së, të akuzuarin e,

GJYKON

DËNIM ME GJOBË në lartësi prej 300 € (treqind) Euro dhe **DËNIM BURGIMI** në kohëzgjatje prej 3 (tre) muajve.

Në mbështetje të nenit 46 par.5 dhe nenit 48 par.1 të KPK-së, dënimi i shqiptuar me gjobë dhe dënimi me burgim me pëlqimin e të dënuarit i zëvendësohet:

ME PUNË NË DOBI TË PËRGJITHSHME prej 180 (njëqindë e tetëdhjetë) orëve, të cilën do ta kryej pa pagesë në afat prej tre muajve prej ditës së fillimit të ekzekutimit.

Konform nenit 48 par. 2 të KPK-së, Shërbimi Sprovues i Kosovës cakton llojin e punës që duhet të kryej personi i dënuar, cakton organizatën në të cilën duhet të punoj i dënuari, cakton ditët, javët që i dënuari duhet të kryej punë në dobi të përgjithshme, si dhe të mbikëqyrë punën në dobi të përgjithshme.

Në mbështetje të nenit 46 par. 5 të KPK-së nëse pas kalimit të kohës së caktuar i pandehuri nuk e kryen punën në dobi të përgjithshme ose e ka kryer vetëm pjesërisht, gjykata do të urdhëroj dënimin me gjobë ku për çdo 8 (tetë) orë të punës në dobi të përgjithshme llogaritet me 20 (njëzet) euro gjobë, e nëse dënimi i shqiptuar nuk mund të ekzekutohet as në mënyra të tjera të parapara në nen. 46 par.3 të KPK-së, do të ekzekutohet në atë mënyrë që për çdo 20 (njëzet) € i pandehuri do të vuaj një ditë burgu.

Ndërsa në mbështetje të nenit 48 par.4 të KPK-së, nëse pas kalimit të kohës së caktuar i pandehuri nuk e kryen punën në dobi të përgjithshme ose e ka kryer vetëm pjesërisht, gjykata do të urdhëroj dënimin me burgim, ku një ditë burgim do të urdhërohet për çdo (8) tetë orë pune në dobi të përgjithshme që nuk është kryer.

Obligohet i pandehuri që të dëmtuarit [REDAKTUAR] nga Ferizaj, t'ia kompensoj dëmin që i ka shkaktuar në shumë prej 650 Euro, në afat prej 30 ditëve nga

dita e plotfuqishmërisë të këtij aktgjykimi në rast të mospagimit të borgjit do të ekzekutohet në procedurë përbarimore në mënyrë të detyrueshme.

Gjykata konform nenit 453 parag.4 të KPPRK-së e ka liruar të akuzuarin nga detyrimi i kompensimit të shpenzimeve të procedurës penale, dhe për kompensimin e viktimave të krimit, pasi nese obligohet që ti paguaj do të rrezikonte gjendjen materiale e tijë.

A r s y e t i m i

Prokuroria Themelore në Ferizaj me aktakuzën PP.II.nr.2545-6/2017 të dt.18.12.2017, ka ngarkuar të akuzuarin [REDAKTUAR], nga fshati [REDAKTUAR], Komuna Ferizaj për shkak të veprës penale vjedhje nga neni 325 par. 1 të KPRK-së.

Gjykata duke vepruar rreth kësaj çështje penale konform nenit 245 par.1 të KPPK-së me dt.17.08.2018, ka mbajtur shqyrtimin fillestar në të cilin kanë marrë pjesë Prokurori i Shtetit Mimoza Sylja dhe i akuzuari [REDAKTUAR].

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drejtat e të akuzuarit janë rrespektuar, e më pas Prokurori i Shtetit ka lexuar aktakuzën ndaj të akuzuarit dhe pasi që gjyqtari është bindur se i njëjti e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDAKTUAR] ka deklaruar se e ndien veten fajtorë dhe e pranon fajësinë për veprën penale për të cilën është akuzuar dhe është e vërtet se ka kryer veprën penale vjedhja për arsye të gjendjes së rëndë ekonomike dhe kushteve të vështira të jetesës dhe i kërkon falje të dëmtuarit e zotohet se veprimi i tillë nuk do të përsëritet më.

Pas pranimit të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e Prokurorit të Shtetit lidhur me pranimin e fajësisë.

Prokurori i Shtetit Mimoza Sylta, ka theksuar se pajtohet me pranimin e fajësisë nga ana e të akuzuarit pasi pranimi i fajësisë është bërë konform ligjit dhe pranimi mbështetet edhe me provat materiale që gjenden në shkresat e kësaj lënde dhe kërkon nga gjykata që të njejtin ta pranoj si të till.

Gjyqtari në kuptim të nenit 248 par.1 nën.par.1.1, 1.2, 1.3, 1.4 dhe par.4 të KPPK-së është i bindur se i akuzuari e ka kuptuar natyrën dhe pasojat e pranimit të fajësisë, pranimin e ka bërë vullnetarisht duke e mbështetur në provat që gjenden në shkresat e kësaj lënde penale në deklaratën e vetë të pandehurit dhënë në polici me datën 05.11.2017, deklaratën e të dëmtuarit dhënë me datën 19.10.2017, ka vazhduar me shqiptimin e dënimit, pasi ka vlerësuar se nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale vjedhje nga neni 325 par.1 të KPRK-së.

Me rastin e matjes së llojit dhe lartësisë së dënimit gjykata pati parasysh të gjitha rrethanat të cilat ndikojnë në llojin dhe lartësinë e dënimit nenit 73 dhe 74 të KPPK-së, si rrethana lehtësuese gjykata mori gjendjen e varfër të pandehurit, i pa punë, moshën e tij, pendimin për veprën, i martuar, ndërsa rrethana veçanërisht rënduese gjykata nuk gjeti. Në bazë të këtyre rrethanave gjykata i caktoj dënim si në dispozitiv të aktgjyqimit, dënim me gjobë prej 300 € (treqind) Euro dhe dënim burgimi në kohëzgjatje prej 3 (tre) muajve. Në mbështetje të nenit 46 par.5 dhe nenit 48 par.1 të KPRK-së, dënimi i shqiptuar me gjobë dhe dënimi me burgim me pëlqimin e të dënuarit i zëvendësohet me punë në dobi të përgjithshme prej 180 (njëqind e tetëdhjetë) orëve, të cilën do ta kryej pa pagesë në afat prej tre muajve prej ditës së fillimit të ekzekutimit, duke qenë i bindur se një dënim i tillë është plotësisht i justifikueshëm dhe në proporcion me peshën e veprës konkrete penale, rrethanave të kryerjes si dhe personalitetit të pandehurit, dhe se me këtë dënim do të arrihet qëllimi ndëshkues në kuptim të preventivës speciale që i pandehuri në të ardhmen të mos kryejë vepra penale, si dhe në kuptim të preventivës së përgjithshme të parandalimit të përgjithshëm të kësaj vepre penale në shoqëri dhe personalitetin e të pandehurit konform nenit 41 të KPRK-së.

Gjykata konformë nenit 463 parag.2 të KPPK-së e ka obliguar të pandehurin [REDAKTUAR] që të dëmtuarit [REDAKTUAR] nga Ferizaj, t'ia kompenzoj dëmin që i ka shkaktuar në shumë prej 650 Euro, në afat prej 30 ditëve pas plotfuqishmëris të këtij aktgjykimi.

Vendimi mbi lirimin e të akuzuarit për kompensimin e shpenzimeve të procedurës penale dhe paushallit gjyqësor dhe kompenzimin e viktmave të krimit e muar konform nenit 453 parag.4 të KPPRK-së.

Nga arsyet e lartë përmendura është vendos si në dispozitiv të këtij aktgjykimi.

GJYKATA THEMELORE NË FERIZAJ

Departamenti i përgjithshëm-divizioni penal,

P.nr.3207/17 me datë 17.08.2018

Praktikante
Qëndresa Meha

Gjyqtari
Hakile Ilazi



KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.